



UGOVOR o javnoj nabavci goriva i maziva

KJKP „Sarajevogas“ d.o.o. Sarajevo, Trg Fadile Odžaković Žute br. 4, 71000 Sarajevo, BiH,
Koga zastupa: Direktor Preduzeća Nihada Glamoč, dipl.ing.maš. (u daljem tekstu: Kupac),

i

Hifa-Petrol d.o.o., Hotonj b.b., 71320 Vogošća, BiH,
Koga zastupa: Direktor Hajrudin Ahmetlić, (u daljem tekstu: Prodavac),

Član 1.

Na osnovu **Okvirnog Sporazuma** zaključenog po provedenom otvorenom postupku nabavke broj TD-05-10/19, ugovorne strane zaključuju ugovor broj **1. (jedan)** o nabavci goriva i maziva.

Član 2.

Predmet ovog ugovora je nabavka goriva i maziva po provedenom otvorenom postupku nabavke roba broj: TD-05-10/19. Prodavac goriva i maziva je dostavio ponudu prema specifikaciji kupca broj SP-OJ04-TD-05-10/19-01 koja je priložena ovom ugovoru i predstavlja njegov sastavni dio.

Član 3.

Ugovorna vrijednost robe iz člana 1. ovog ugovora bez PDV-a iznosi: **66.617,23 KM (slovima: šezdesetšesthiljadašeststotinasedamnaest i 23/100KM)**, a jedinične cijene su specificirane u prilogu ovog Ugovora i čine njegov sastavni dio.

Ponudene cijene za artikle od rednog broja 1. do rednog broja 3. specifikacije (goriva) su promjenjive i mogu se mijenjati u toku izvršenja ugovora u skladu sa promjenom cijena navedenih energenata na tržištu. Cijena će se korigovati u skladu sa odobrenom izmjenom cijena od strane Federalnog ministarstva trgovine Mostar.

Ponudene cijene za artikle od rednog broja 4. do rednog broja 18. specifikacije su fiksne i neće se mijenjati tokom trajanja ugovora.

Član 4.

Prodavac će artikle od rednog broja 1. do rednog broja 3. specifikacije (goriva) isporučivati sukcesivno prema specifikaciji SP-OJ04-TD-05-10/19-01 nakon zaključenja ovog ugovora na svojim benzinskim pumpnim stanicama koje se nalaze na lokalitetu Kantona Sarajevo utakanjem u vozila kupca, dok će artikle od rednog broja 4. do rednog broja 18. specifikacije također isporučivati sukcesivno na svojim benzinskim pumpnim stanicama ovlaštenom predstavniku kupca. Ugovorne strane su saglasne da se kvalitativni i kvantitativni prijem isporučene robe izvrši od strane ovlaštenih predstavnika svake ugovorne strane.

Član 5.

Prodavac će obračun isporučenog goriva vršiti po odobrenim maloprodajnim cijenama od strane Federalnog Ministarstva Trgovine, umanjenim za odobreni popust bez PDV-a, koji iznosi: **0,19KM/l** isporučenog euro dizela 5, BAS EN 590; **0,19KM/l** isporučenog bezolovnog benzina-98, BAS EN 228 i **0,19KM/l** isporučenog bezolovnog benzina-95, BAS EN 228.

Obračun za artikle od rednog broja 4. do rednog broja 18. specifikacije će vršiti po ponudnim fiksnim cijenama koje se neće mijenjati tokom trajanja ugovora, umanjenim za odobreni popust koji za svaku stavku iznosi po **0,19 KM** po jedinici mjere.

Kupac će plaćanje izvršiti nakon isteka roka od **60 dana** po prijemu uredno ispostavljene fakture na transakcijski račun prodavca naveden na fakturi.

Član 6.

Kupac i prodavac se neće smatrati odgovornima za zakašnjenje u ispunjenju obaveza prema ovom Ugovoru, neposredno ili posredno, ako je zakašnjenje uslijedilo usljed više sile. Pod višom silom podrazumijevaju se slučajevi koji se mogu pojaviti poslije stupanja ugovora na snagu, a koji nisu pod kontrolom ni jedne ugovorene strane, niti se objektivno mogu predvidjeti, a sprječavaju jednu ili obje ugovorene strane.

Član 7.

Prodavac nije ovlašten da zaključuje podugovore sa drugim licima u cilju realizacije ugovornih obaveza bez predhodnog pismenog odobrenja kupca.



Član 8.

Prodavac je u obavezi da odmah nakon dobivanja narudžbe od kupca izvrši isporuku traženih roba sa specifikacije. Za svaki dan kašnjenja u isporuci kupac će zaračunati penale u iznosu od 1%, s tim da ukupan iznos penala ne može biti veći od 5% ukupne vrijednosti ugovora. Prodavac će količinu utočenog goriva ovjeriti na putnom nalogu i izdati blok-račun sa naznakom vrste i količine goriva.

Kvalitet goriva treba da odgovara Evropskim normama u skladu sa odlukom o kvalitetu tečnih naftnih derivata.

Član 9.

Ukoliko kupac u ugovornom roku iz člana ~~8.~~ stav 3. ovog ugovora ne plati cijenu za isporučenu robu obavezan je prodavcu isplatiti i zateznu kamatu u skladu sa zakonom i drugim propisima koji uređuju ovaj institut.

Kupac će dostaviti prodavcu registarske brojeve vozila u koje će se utakati gorivo, imena i prezimena vozača koji su ovlašteni da mogu utakati goriva putem pismene forme, kao i promjenu ovlaštenih lica za utakanje koja treba biti blagovremeno najavljena u pismenoj formi.

Član 10.

Ovaj ugovor se zaključuje na period trajanja od dana potpisivanja istog do ispunjenja njegove svrhe. U slučaju raskida ugovora, ugovorna strana koja traži raskid ugovora obavezna je da o svojoj namjeri obavijesti drugu ugovornu stranu sa otkaznim rokom od 30 (trideset) dana.

Član 11.

Ugovorne strane su saglasne da prodavac neće zapošljavati, odnosno angažovati fizička i pravna lica koja su učestvovala u pripremi tenderske dokumentacije ili bili angažovani kao članovi ili stručna lica u Komisiji za nabavke. Ograničenja u smetnji iz stava 1. ovog člana traju 6 (šest) mjeseci od dana zaključivanja ugovora.

Član 12.

Na sve odnose i institute koji nisu navedeni u ugovoru, a pojave se prilikom realizacije, primjenjivaće se odgovarajuće odredbe Zakona o obligacionim odnosima.

Član 13.

Ovaj ugovor stupa na snagu danom potpisivanja od strane obje ugovorene strane, a sačinjen je u 4 (četiri) istovjetna primjeraka, od kojih svaka ugovorena strana zadržava po 2 (dva) primjerka.

Član 14.

Sve nesporazume do kojih dođe u realizaciji ovog ugovora, a koji se ne mogu riješiti u duhu dobrih poslovnih odnosa, rješavaće nadležni sud u Sarajevu.



Za Prodavca:

Direktor, Hajrudin Ahmetlić

Broj ugovora,

855/19.

23.04.2019.



Za Kupca:

Direktor Preduzeća Mr.sc. Nihada Glamoč, dipl.ing.maš.

Izvršni direktor Mr.Mehmed Mehović, dipl.oeo.

Broj ugovora,

102/19

23-04-2019